

ХҮНС, ХӨДӨӨ АЖ АХУЙ, ХӨНГӨН ҮЙЛДВЭРИЙН СУДАЛГАА ХӨГЖЛИЙН ТӨВИЙН ИНКУБАТОРЫН ҮЙЛ АЖИЛЛАГААНЫ ЖУРАМ НЭГ. НИЙТЛЭГ ҮНДЭСЛЭЛ

1.1. ЗОРИЛГО, ХАМРАХ ХҮРЭЭ

- 1.1.1. Хүнс, хөдөө аж ахуй, хөнгөн үйлдвэрийн салбарт оюуны өмчид тулгуурласан шинэ дэвшилтэт технологи, мэдлэгт суурилсан бүтээгдэхүүн, ажил үйлчилгээг нэвтрүүлэх, импортыг орлох, экспортын чиг баримжаатай бизнесийг хөгжүүлэх, бойжуулах гарааны компаниудыг Хүнс, хөдөө аж ахуй, хөнгөн үйлдвэрийн Судалгаа хөгжлийн төв /цаашид “Судалгаа хөгжлийн төв” гэх/-ийн инкубаторт сонгон шалгаруулах, элсүүлэх, үйл ажиллагаанд нь дэмжлэг үзүүлэх, хяналт тавих, төгсгөхтэй холбоотой харилцаанд энэхүү журмыг мөрдлөг болгоно.
- 1.1.2. Инкубаторын үйл ажиллагаа нь Шинжлэх ухаан технологийн тухай хууль, Инновацийн тухай хууль, Компаний тухай хууль, Технологи дамжуулах тухай хууль, Жижиг дунд үйлдвэрлэлийн тухай хууль, Оюуны өмчийн тухай хууль, Патентын тухай хууль, Эрдэм шинжилгээний байгууллагын дэргэд гарааны компани байгуулах журам болон бусад холбогдох хууль тогтоомж, дүрэм, журмаар зохицуулагдана.

ХОЁР. ИНКУБАТОРЫН ҮЙЛЧИЛГЭЭ

- 2.1. Судалгаа хөгжлийн төв нь Хүнс, хөдөө аж ахуй, хөнгөн үйлдвэрийн салбарын гарааны компанийг бойжуулах үйл ажиллагааны хүрээнд дараах үйлчилгээг үзүүлнэ.
 - 2.1.1. Инкубаторын үйлчилгээ үзүүлэх хугацааг “Инкубаторын үйлчилгээ үзүүлэх гэрээ”-нд тусгайлан заана;
 - 2.1.2. Ажлын байр, албан тасалгаа, уулзалт мэдээллийн заалны түрээсийн төлбөр, урсгал зардалд зохих хөнгөлөлт үзүүлэн үйл ажиллагаа явуулах нөхцлийг бүрдүүлнэ; /Цахилгаан дугааны, интернет, зэрэг тохирсноос даасан зардлыг бойжигч харууцах/
 - 2.1.3. Хууль, эрх зүй, санхүү, маркетинг болон бусад мэргэжлийн зөвлөгөө өгөх, сургалтанд хамруулах;
 - 2.1.4. Туршилт, судалгааны ажилд хөндлөнгийн хяналт хийж баталгаажуулах;
 - 2.1.5. Эрдэм шинжилгээний болон мэргэжлийн байгууллагуудтай хамтарч ажиллахад дэмжлэг үзүүлэх;
 - 2.1.6. Гадаад, дотоодын үзэсгэлэн яарматт зуучлах;
 - 2.1.7. Судалгаа хөгжлийн төвийн мэдээллийн сувгаар үйл ажиллагааг сурталчлан таниулах;
 - 2.1.8. Төрийн өмчийн бодлого зохицуулалтын газар, Хүнс, хөдөө аж ахуй хөнгөн үйлдвэрийн яамны шийдвэрийг үндэслэн бойжигч компанид ажлын байрны түрээсийн төлбөрийг хөнгөлөх эсвэл чөлөөлөх, мөн бусад дэмжлэгийг үзүүлж болно.

Гурав. ИНКУБАТОРЫН СОНГОН ШАЛГАРУУЛАЛТЫГ ЗАРЛАН МЭДЭЭЛЭХ

- 3.1 Судалгаа хөгжлийн төв нь шинээр элсэлт авах нөхцөл бүрдсэн тохиолдол тухай бүр сонгон шалгарулалт зарлан журмын дагуу инкубаторт элсүүлнэ.
- 3.2 Инкубаторт элсэх зарлалыг ажлын 10-аас доошгүй хоногийн өмнө олон нийтийн мэдээллийн хэрэгслүүдэд байршуулж нийтэд зарлаж мэдээлнэ.
- 3.3 Шалгаруулалтын тухай зар мэдээнд дараах зүйлийг тусгана.
Үүнд:
 - 3.3.1 Инкубаторын үйл ажиллагааны талаарх танилцуулга.
 - 3.3.2 Инкубаторын нөхцөл, элсэгчид тавигдах шаардлага, сонгон шалгаруулалтанд ирүүлэх баримт бичиг, төсөл, хүлээн авах эцсийн хугацаа, сонгон шалгаруулалтын хугацаа.
 - 3.3.3 Хаяг байршлын талаарх мэдээлэл, лавлагаа, утасны дугаар, цахим хаяг.

**Дөрөв. ИНКУБАТОРТ ЭЛСЭХЭЭР ХҮСЭЛТ ГАРГАСАН ХҮҮЛИЙН ЭТГЭЭДЭД
ТАВИГДАХ ШААРДЛАГА**

- 4.1 Инкубаторт элсэхээр хүсэлт гаргасан хуулийн этгээд нь дараах ерөнхий шаардлагыг хангасан байна. Үүнд:
 - 4.1.1 Хүнс, хөдөө аж ахуй, хөнгөн үйлдвэрийн салбарт нэвтрүүлэх инноваци бүхий эдийн засгийн үр ашигтай, байгаль орчинд ээлтэй, дэвшилтэт технологиуд суурилсан богино хугацаанд хөгжих боломжтой бизнесийг дотоод гадаадын зах зээлд эрхлэхээр төлөвлөсөн төсөлтэй байх.
 - 4.1.2 Инкубаторт байрших хугацаандаа дагаж мөрдөх, улирал тутмын үйл ажиллагаанд нь хяналт тавих бололцоо бүхий бизнес төлөвлөгөөтэй байх.
 - 4.1.3 Инкубаторт байх хугацаанд үйл ажиллагаагаа тасралтгүй явуулах.
 - 4.1.4 Үйл ажиллагаагаа эрхлэх санхүүгийн чадвартай байх.
 - 4.1.5 Зөвхөн зөвшөөрөгдсөн үйл ажиллагааг явуулах ба үндсэн ажилтнуудыг байршуулах.
 - 4.1.6 Бойжигч компаниудад зориулсан сургалт, судалгаа болон олон нийтийг хамарсан арга хэмжээнд идэвхтэй оролцох.
 - 4.1.7 Судалгаа хөгжлийн төвийн байршиж байгаа байр болон эд хөрөнгийг зориулалтын дагуу ашиглах.
 - 4.1.8 Хагас жил тутам санхүүгийн тайланг үнэн бодитоор гаргаж, Судалгаа хөгжлийн төвд ирүүлэх. Бусад шаардсан бүхий л мэдээллээр хангаах зөвшөөрсөн байх. /Энэхүү мэдээллийг инкубаторын үйл ажиллагааны үнэлгээний үндсэн үзүүлэлтийг гаргахад ашиглана/
 - 4.1.9 Инкубаторт элсэгч нь дээрх ерөнхий шаардлагыг хангасан байхаас гадна элсэлтэд тавигдах бусад тусгай шаардлагыг хангасан байна.
 - 4.1.10 Хүсэлт гаргагч нь сонгон шалгаруулах явцад энэхүү журмын зүйл заалтыг зөрчсөн болох нь нотлогдовол хүсэлт гаргагчийг сонгон шалгаруулалтад оруулахаас татгалзах. элсэгч журам зөрчвөл гэрээг цуцлах үндэслэл болно.

Тав. СОНГОН ШАЛГАРУУЛАЛТ

- 5.1 Инкубаторт элсэх хүсэлт гаргагч аж ахуйн нэгжийг сонгон шалгаруулахдаа шударга, ил тод, эрх тэгш өрсөлдөөний зарчмыг баримтална.

- 5.2 Сонгон шалгаруулалтын ажлын хэсэгт хүсэлт гаргачаас ирүүлсэн бичиг баримт, төсөлд үнэлэлт дүгнэлт өгөх ба шалгаруулалт явуулсан өдрөөс хойш 20 хоногийн дотор үр дүнг танилцуулна.
- 5.3 Ажлын хэсгийн гишүүд нь сонгон шалгаруулалтанд ирүүлсэн төсөл, түүнтэй холбогдох мэдээллийн нууцлалыг чандлан сахих үүрэг хүлээнэ.
- 5.4 Инкубаторын элсүүлэх сонгон шалгаруулалтын ажлыг 2 үе шаттайгаар зохион байгуулна.
- 5.5 Инкубаторт элсэгчдэд тавигдах шаардлагыг хангаагүй, бичиг баримтын бүрдэл дутуу, үнэн бодит бус хуурамч мэдээлэл ирүүлсэн, хугацаа хоцорсон хүсэлт гаргагчийг сонгон шалгаруулалтанд оруулахгүй.
- 5.6 Инкубаторын элсэлтийн урьдчилсан баримт бичгүүдийг цахимаар эсхүл биечлэн битүүмжлэн ирүүлнэ.
- 5.7 Ажлын хэсгийн нарийн бичгийн дарга нь элсэлтийн урьдчилсан баримт бичгүүдийг хүлээн авч нэгтгэн ажлын хэсэгт танилцуулна.
- 5.8 Ажлын хэсгийн хурлаар хүсэлт гаргагчийн материалтай нэг бүрчлэн танилцаж эхний шатны шалгаруулалтыг ажлын 14 хүртэл хоногийн хугацаанд багтаан хийнэ.
- 5.9 Хүсэлт гаргагч нарт эхний шатны сонгон шалгаруулалтын үр дүнг хоёр дахь шалгаруулалт явуулах өдрөөс өмнө ажлын 3-аас доошгүй хоногийн дотор цахимаар болон утсаар мэдэгдэнэ.
- 5.10 Эхний шатанд тэнцсэн хүсэлт гаргагч нь хоёр дахь шатанд сонгон шалгаруулах ажлын хэсгийн хуралд бизнес төлөвлөгөөгөө 10-15 минутанд багтаан танилцуулна.
- 5.11 Ажлын хэсэг нь хүсэлт гаргагчийн хийсэн танилцуулга, ирүүлсэн материалыг үндэслэн дараах шалгуур үзүүлэлтийн дагуу тус бүр 1-10 хүртэлх оноогоор дүгнэнэ.
Үүнд:
 - 5.11.1 Хүнс, хөдөө аж ахуй, хөнгөн үйлдвэрийн салбарт нэвтрүүлэх шинэ бүтээгдэхүүн, үйлчилгээний инновацлаг байдлыг үнэлэх
 - 5.11.2 Шинжлэх ухаан болон техник технологийн шийдэл бүхий төслийн хэрэгжих магадлалтай эсэх
 - 5.11.3 Хүний нөөцийн чадавхтай эсэх
 - 5.11.4 Эдийн засгийн үр ашигтай эсэх
 - 5.11.5 Бизнес төлөвлөгөө хэрэгжих боломжтой эсэх
- 5.12 Ажлын хэсгийн гаргасан оноог ажлын хэсгийн нарийн бичгийн дарга нэгтгэж, танилцуулах ба нийт онооны дүнгээр эрэмбэлж хамгийн өндөр оноо авсан дарааллын дагуу хүсэлт гаргагчийг шалгаруулна.
- 5.13 Судалгаа хөгжлийн төв нь сонгон шалгаруулалтын дүнг мэдэгдсэнээс хойш ажлын 15 хоногийн дотор инкубаторт элсэгчтэй "Инкубаторын үйлчилгээ үзүүлэх гэрээ" байгуулах ба бойжигч компанийн үйл ажиллагааны онцлогоос хамааран 2 тал харилцан тохиролцсоны үндсэн дээр гэрээнд өөрчлөлт оруулж болно.
- 5.14 Элсэгчийн бизнес төлөвлөгөө нь Судалгаа хөгжлийн төв болон инкубаторт элсэгчийн хоорондын "Инкубаторын үйлчилгээ үзүүлэх гэрээ"-ний салшгүй бүрэлдэхүүн хэсэг байна.
- 5.15 Сонгон шалгаруулалтыг шаардлагад нийцсэн санал ирээгүй тохиолдолд бүх саналаас татгалзаж, ажлын 5 хоногт багтаан дахин сонгон шалгаруулалтыг зарлана.

Найм. ИНКУБАТОРООС ХАСАХ

- 8.1 Инкубаторын үйлчилгээ үзүүлэх гэрээнд заасан хугацаа дууссан, бойжигч хүсэлт гаргасан тохиолдолд гэрээний үүргийг дуусгавар болгоно.
- 8.2 Дараах тохиолдолд үнэлгээний ажлын хэсгийн саналыг үндэслэн "Инкубаторын үйлчилгээ үзүүлэх гэрээ"-г дуусгавар болгож бойжигчийг инкубатороос хасна.
 - 8.2.1 Энэхүү журмыг зөрчсөн, гэрээгээр хүлээсэн үүргээ биелүүлээгүй;
 - 8.2.2 Хууль зөрчсөн үйл ажиллагаа явуулсан нь тогтоогдсон;
 - 8.2.3 Хүндэтгэн үзэх шалтгаангүйгээр үнэлгээнд орохоос татгалзсан;
 - 8.2.4 Үйл ажиллагаагаа эрхлэхгүй 1 сар болсон;
 - 8.2.5 Инкубаторт зөвшөөрөгдсөн үйл ажиллагаанаас өөр үйл ажиллагаа явуулсан;
 - 8.2.6 Судалгаа хөгжлийн төвд болон үнэлгээний хороонд бодит бус хуурамч мэдээлэл бүрдүүлэн өгсөн;
 - 8.2.7 Судалгаа хөгжлийн төвд буюу ажлын байранд архи, согтууруулах ундаа, мансууруулах эм, сэтгэцэд нөлөөлөх бодис нэвтрүүлсэн, хэрэглэсэн;
 - 8.2.8 Байгууллагын өмчид ноцтой хохирол учруулсан;

Ес. МАРГААН ШИЙДВЭРЛЭХ

- 9.1 Инкубаторын төвтэй холбогдон гарсан бүх маргааныг хэлэлцэж шийдвэрлэнэ;
- 9.2 Маргааныг хэлэлцэн шийдвэрлэж чадахгүй тохиолдолд хууль тогтоомжид заасны дагуу шүүхээр шийдвэрлүүлнэ;

Арав. ХҮЛЭЭХ ХАРИУЦЛАГА

- 10.1. Инкубаторт элсэхээр хүсэлт гаргагчийг сонгон шалгаруулахдаа энэхүү журмыг мөрдөнө;
- 10.2. Хамтран ажиллах хугацаандаа ажил үүргийн шаардлагаар олж мэдсэн, эзэмшиж, ашиглаж байсан баримт бичиг, мэдээ материал, талуудын бизнесийн ашиг сонирхолд шууд болон шууд бус хамааралтай мэдээллийг аливаа хэлбэрээр задруулахгүй байх, бусад этгээдийн эрх ашгийн төлөө ашиглахгүй байх үүргийн хоёр тал хүлээнэ;
- 10.3. Сонгон шалгаруулалтад оролцогч нь илт худал мэдээлэл ирүүлсэн, авлигын гэмт хэрэгт холбогдсоныг шүүх, эрх бүхий байгууллага тогтоосон бол сонгон шалгаруулалтад ирүүлсэн саналыг хүлээн авахаас татгалзана;